

I sarvije in mostron

El laoro de ra Union de i Ladis de Anpezo par precurà ra tradizios

Beśen di che i sarvije a r'anpezana i é propio biei e senpre depì r'Union de i Ladis d'Anpezo ra vien ciamada anche fora del paes a fei el mostron e toi parte a sfilates o prejentazios. R'ultima ota 'l é stà sabeda ai 3 de agosto a Villanders, sora Chiusa/Klausen par ra Bezirksschützenfest, 'na gran festa de i Scizar con tante Scizar, bandieres, costumes e bandes agnó che 'l ea anche sete

parsones de r'Ulda. Dapò de ra sfilata 'l é sta ra prejentazios de i grupe in costume, compresochel de Anpezo. Tante à domandà da agnó che i ruua e fato i complimente par ra eleganza. Par r'Ulda 'l é 'na gran sodisfazion vede che el gran laoro che se fesc par precurà ra uśances, i sarvije, ra cultura e ra parlada anpezana el porta i so frute. (df)



Da Anpezo a Villanders, par mostrà ci che son.